



საქართველოს განათლებისა და მეცნიერების მინისტრის

ბრძანება № 940

ქ. თბილისი, 2009 წ. 29 10

„საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს „ინფრასტრუქტურის განვითარების 2009 წლის სამოქმედო გეგმის“ დამტკიცების შესახებ“ საქართველოს განათლებისა და მეცნიერების მინისტრის 2009 წლის 30 მარტის №174 ბრძანებაში ცვლილებების შეტანის თაობაზე

საჯარო სამართლის იურიდიული პირის -- ივანე ჯავახიშვილის ისტორიისა და ეთნოლოგიის ინსტიტუტის საბიბლიოთეკო ფონდისა და ისტორიულ-ეთნოგრაფიული არქივის სრულყოფილად დაცვის აუცილებლობიდან გამომდინარე, ინსტიტუტის საცავების მიმდინარე წლის ბოლომდე სტელაჟებით აღჭურვის მიზნით, საჯარო სამართლის იურიდიული პირის - ქ. თბილისის №110 და №117 საჯარო სკოლებში სარეაბილიტაციო სამუშაოების განხორციელებისა და საჯარო სამართლის იურიდიული პირი - საგანმანათლებლო და სამეცნიერო ინფრასტრუქტურის განვითარების სააგენტოსთვის სახელმწიფო ან საერთაშორისო ორგანიზაციებისგან გადმოცემული სხვადასხვა სახის ინვენტარის მიზნობრივად გამოყენების უზრუნველსაყოფად,

„საქართველოს ზოგადი ადმინისტრაციული კოდექსის“ 63-ე მუხლის, „საქართველოს 2009 წლის სახელმწიფო ბიუჯეტის შესახებ“ საქართველოს კანონის (ორგანიზაციული კოდი - 321205), „საქართველოს მთავრობის სტრუქტურის, უფლებამოსილების და საქმიანობის წესის შესახებ“ საქართველოს კანონის მე-20 მუხლის პირველი პუნქტის, მე-2 პუნქტის „ა“ ქვეპუნქტის, 21-ე მუხლის, საქართველოს განათლებისა და მეცნიერების მინისტრის 2009 წლის 30 იანვრის №44 ბრძანებით დამტკიცებული „საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს დებულებას“ მე-2 მუხლის პირველი პუნქტის, მე-2 მუხლის მე-2 პუნქტის „ა“ ქვეპუნქტის და საქართველოს მთავრობის 2004 წლის 21 მაისის №37 დადგენილებით დამტკიცებული „საქართველოს განათლებისა და მეცნიერების სამინისტროს დებულების“ მე-3 მუხლის მე-2 პუნქტის „ა“, „ბ“, „გ“ და „დ“ ქვეპუნქტების საფუძველზე და საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის

სსიპ საგანმანათლებლო და სამეცნიერო ინფრასტრუქტურის განვითარების სააგენტო  
შემოსული № 01-4/2491  
30. 10 2009წ.

განვითარების სააგენტოს დირექტორის 2009 წლის 15 თებერვლის №01-4-01/1055 (საქართველოს განათლებისა და მეცნიერების სამინისტროში რეგისტრაციის №08/35106-08. 19.10.2009) და 2009 წლის 29 თებერვლის №01-4-01/1132 (საქართველოს განათლებისა და მეცნიერების სამინისტროში რეგისტრაციის №08/36769-04 29.10.2009) წერილების გათვალისწინებით,

### ვ ბ რ ძ ა ნ ე ბ:

1. შევიდეს ცვლილება საქართველოს განათლებისა და მეცნიერების მინისტრის 2009 წლის 30 მარტის №174 ბრძანებით დამტკიცებულ „საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს „ინფრასტრუქტურის განვითარების 2009 წლის სამოქმედო გეგმაში“:

1.1. „ინფრასტრუქტურის განვითარების 2009 წლის სამოქმედო გეგმის“ მე-2 თავის (საგანმანათლებლო და სამეცნიერო დაწესებულებების რეაბილიტაცია, მშენებლობა და ინვენტარიზაცია და ტექნიკით მომარაგება) 2.2.4 პუნქტი ჩამოყალიბდეს შემდეგი რედაქციით:

„2.2.4 რესურსცენტრების შენობების რემონტი, ზურაბ შვანიას სახელობის სახელმწიფო ადმინისტრირების სკოლის რეაბილიტაცია, საჯარო სამართლის იურიდიული პირი - ივანე ჯავახიშვილის ისტორიისა და ეთნოლოგიის ინსტიტუტის საბიბლიოთეკო ფონდისა და ისტორიულ-ეთნოგრაფიული არქივის საცავების სტელაჟებით აღჭურვა (საქართველოს განათლებისა და მეცნიერების სამინისტროს საჯარო სამართლის იურიდიული პირებისა და საგანმანათლებლო რესურსცენტრების ინფრასტრუქტურის განვითარების პროგრამა ორგანიზაციული კოდი: 32.16).

დღეისათვის საქართველოს მასშტაბით გარემონტებულია 49 საგანმანათლებლო რესურსცენტრის შენობა, ხოლო რეაბილიტაციას საჭიროებს 20 რესურსცენტრი და ზურაბ შვანიას სახელობის სახელმწიფო ადმინისტრირების სკოლა. მათი ძირითადი ნაწილისათვის უკვე მოძიებულია შესაბამისი ფართი. სარემონტო სამუშაოები განხორციელდება შემუშავებული პროექტის გამოყენებით. დანართ №4-ში მოცემულია რესურსცენტრების სია და სამოდულო პროექტი, რომელთან მიმართებაშიც მოხდება რესურსცენტრისთვის გამოყოფილი სივრცის ადაპტაცია.

დანართ №6-ში მოცემულია ზურაბ შვანიას სახელობის სახელმწიფო ადმინისტრირების სკოლის მონაცემები.

2009 წელს დაგეგმილია თერამეტი რესურსცენტრის შენობის რემონტის განხორციელება, ზურაბ შვანიას სახელობის სახელმწიფო ადმინისტრირების სკოლის რეაბილიტაცია და საჯარო სამართლის იურიდიული პირი - ივანე ჯავახიშვილის ისტორიისა და ეთნოლოგიის ინსტიტუტის საბიბლიოთეკო ფონდისა და ისტორიულ-ეთნოგრაფიული არქივის საცავების სტელაჟებით აღჭურვა“;

1.2. „ინფრასტრუქტურის განვითარების 2009 წლის სამოქმედო გეგმის“ მე-2 თავის (საგანმანათლებლო და სამეცნიერო დაწესებულებების რეაბილიტაცია, მშენებლობა და ინვენტარიზაცია და ტექნიკით მომარაგება) 2.2.8 პუნქტი ჩამოყალიბდეს შემდეგი რედაქციით:

„2.2.8 ინვენტარის შექმნა და სააგენტოსათვის გადაცემული ინვენტარის გამოყენება.

2009 წელს დაგეგმილია საგანმანათლებლო დაწესებულებებისათვის სპეციალური ინვენტარის შესყიდვა. აუცილებელი ინვენტარის ჩამონათვალი მოიცავს მერხებს, დაფებს, კათედრებს და ა.შ.

ასევე, განათლებისა და მეცნიერების მინისტრის მიმდინარე წლის 18 მარტის №143 ბრძანების შესაბამისად, სააგენტო იღებს ვალდებულებას დაფაროს სამინისტროსა და შპს „ნმ კომპანი“-ს შორის 2008 წლის 19 ნოემბერს გაფორმებული 11-266/1 სახელმწიფო შესყიდვის შესახებ ხელშეკრულებით (ხელშეკრულების საგანი-სასკოლო, მერხებისა და სკამების შესყიდვა, მოწოდების ვადა 2008 წლის 12 დეკემბრამდე, ღირებულება - 773,500 ლარი; 2008 წლის განმავლობაში გადახდილია 670,945.8 ლარი, სხვაობა სახელშეკრულებო და გადახდილ თანხას შორის შეადგენს 102,554.2 ლარს) ნაკისრი ვალდებულებები.

შესაძლებელია სააგენტომ სახელმწიფო ან საერთაშორისო ორგანიზაციებისგან საგანმანათლებლო და სამეცნიერო ინფრასტრუქტურის განვითარების მიზნით გადმოცემული სხვადასხვა სახის ინვენტარი გადასცეს საქართველოს განათლებისა და მეცნიერების სამინისტროს სისტემაში შემავალ საჯარო სამართლის იურიდიულ პირებს და სამინისტროს სტრუქტურულ ერთეულებს მათი ფუნქციის შესრულების უზრუნველსაყოფად.

13. „ინფრასტრუქტურის განვითარების 2009 წლის სამოქმედო გეგმის“ დანართი 2 (გასამაგრებელი სკოლების სია) ჩამოყალიბდეს თანდართული რედაქციით;
2. დაევალოს საკადრო უზრუნველყოფისა და საქმისწარმოების დეპარტამენტის საქმისწარმოების სამმართველოს კანონით დადგენილი წესით ამ ბრძანების გადაცემა საქართველოს განათლებისა და მეცნიერების სამინისტროს; ფინანსური რესურსების, მატერიალური რესურსების, იურიდიული დეპარტამენტებისათვის და საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოსათვის;
3. ბრძანება ძალაშია ხელმოწერისთანავე.

ნიკა გვარამია

მინისტრი



